



Universitätsbibliothek Paderborn

**Spes & Fiducia, Cvrīs Ivdiciisqve Dei, Erga Homines In Hac
Vita Existentes, Firmata**

Stengel, Georg

[S.I.], 1645

§. 13. Luculentum diuinæ bonitatis, etiam in desperatißimos, exemplum.

[urn:nbn:de:hbz:466:1-49823](#)

summa maiestas illius læsa, non tantum veniam petentes in gratiam recipit, sed si etiam vltro eos quærit, & ad ostium cordis illorum stans pulsat, & roget, vt aperire velint, gratiamque recipere, quam à se, cum maxima iniuria, excluserunt. Igitur vt septimum exemplum addam.

§. XIII.

Luculentum diuinæ bonitatis, etiam in desperatismos, exemplum.

Luculenta eiuscmodi res accidisse legitur, in B. Catharinæ Senensis vita. Erat Senis, Anno Christi 1370. ciuis, cui nomen Andreas Naddini, opes copiosæ, si aurum spectes; nullæ, si consideres virtutem. Nam plerumq; quibus aurum nimis charum est, non est nimis chara virtus. Itaq; hic homo cum alijs plerisq; flagitijs coopertus, tum etiam præcipue tesserarum ludo ita erat mancipatus, vt si ludendo, perderet numeros, Diuos, Deumque ipsum conuitijs pro scindere identidem, cælumq; detestabili execratione implere non vereretur. Quadragesimum iam ætatis suæ attigerat annum, cum eum diuina vindicta censuit, non diutiùs differendum. Graui igitur morbo affecit, quo crudescente, depositus iam videbatur.

Raymūd,
è Capua
apud Sur.
19. Apr.

A a 5 Nec

Nec minùs anima, quām corpus ægrotabat.
De corpore Medici desperauerant, non item
de anima Religiosi. Venerunt itaq; ad eum
multi homines pij, inter quos etiam vtrius-
que sexus cænobeitæ, atq; in primis Parochus
illius. Hi eum, vt fit, præsentis periculi, in-
stantisq; mortis admonuere; hortati sunt,
vt peccata sua in memoriam, se in pœnitentia-
tiam reduceret, sacerdotique confiteretur,
quæ alioqui æternū luenda essent. Surdo
loquebantur. Ille enim, qui sacras ædes adi-
re, aut sacris initiatos honorare nunquam
confueuerat, prouum habuit etiam sacro-
rum sermones contemnere. Itaque sana sua-
dentes, quasi importuna loquentes, repulit,
& à se exire jussit, nihil sibi cum Deo esse, di-
ctitans, nihil Deo secum. Peruenit hæc de-
sperationis fama ad aures F. Thomæ, qui S.
Virgini Catharinæ Senensi à sacris confes-
sionibus erat. Hic, insigni animæ huius per-
cuntis zelo, Catharinam adiuit, rogauitque,
vt diuinam desperatissimo homini misera-
tionem precibus quām enixissimis impetra-
ret. Paruit illa, neque precari cessauit antè,
quām Christus illi se fisteret, cauſāmq; red-
deret, ob quām meritò miser perire finere-
tur. An non pereat, inquietabat, cuius blasphe-
mum

mum os, si posset, me ipsum perditum iret,
cuius flagitia mundum implent, & ad cæ-
lum usque pertingunt? qui, ut alia sileantur,
etiam tabulam, in qua mea, Matris meæ,
aliorumque Diuorum imagines impictæ e-
rant, ausus est, sacrilega manu, in ignem ja-
ctare? nonne & ipse dignissimus est, ut æter-
nis gehennæ flammis exuratur? Nonne par-
est, ut, quod mihi fecit, ipse quoq; patiatur?
Hæc atque alia talia Virgini dicebat Chri-
stus, ut peccatoris ostenderet abominandam
fœditatem. Verum Catharina, & salutis ani-
marum sitientissima, & gnarissima diuinæ
misericordiæ esse inexhaustam immensita-
tem, cum precibus, etiam yberrimas lachry-
mas fudit, neq; desijt antè, quam mitissimus
Dominus huic tam impio peccatori decum-
benti appareret, atque, in vicem Parochi, ad
peccata confessione delenda hortaretur, ve-
niam, si id faceret, liberalissimè pollicens.
Quem non flecteret tanta bonitas? quis
conditionem tam fauentem non accepta-
ret? Ergo ille paulo priùs faxo durior An-
dreas repente mollescit, erumpit in vocem,
clamat, se Christum videre, enim uero etiam
audire monentem, ne Confessionem insuper
habeat, sed viam sibi paret ad veniam tot-

scle-

scelerum obtinendam. Itaque quantocuyus Confessarium acciri postulat, quem modico prius eliminârat. Curritur. adest sacerdos. confitetur Andreas, ingenti animi dolore: condit testamentum sanctissimè, malâmq; vitam, optima morte, consignat. Verè igi-

S. Augu- tur ille dixit: *Non est desperandum de malis.*
stin. lib. *sed pro ipsis, ut boni fiant, studiosius supplican-*
de vera *innocentium, quia numerus Sanctorum semper de nu-*
cap. 184. *mero auctus est impiorum.*

§. XIV.

Promtiorem esse Deum ad misericordiam nobis exhibendam, quam nos adeam accep-
tandam.

Acta personis rebusq; respondere necesse est,

S. Atha- *inquit S. Athanasius, ut quis author fuerit,*
nas. orat. *ex opere ipsius contestatum reddatur, & ex au-*
contra *thore viciâ, quale sit opus agnoscatur. Quod*
idola. *cum ita sit, merito, audita eiusmodi hi-*
Psal. 76. *storia, exclamari potest: Hac mutatio dex-*
tera excelsi; neque enim alia manus talia fa-

Psal. 110. 2. *cere potest: itemque Magna opera Domini magnum testantur operatorem. Tanto e-*
nim maiore est Deus, quanto misericordiam

Num. 14. 18. *ostendit ampliorem. Vnde cantatur: Do-*
minus patiens, & multæ misericordiæ, aufe-

Psal. 144. 9. *rens iniquitatem & sclera: Et miserationes*
eius,